

望奎縣志

卷一

12.11.175

40

1-1

望奎縣志總目錄

卷之一

地理志 交通志 政治志

卷之二

財政志 學務志 武事志

卷之三

禮俗志 人物志

卷之四

藝文志 物產志



望奎縣志目錄

地理志

- 一 疆域
- 二 山嶽
- 三 河川
- 四 城鎮鄉
- 五 氣候
- 六 祠宇
- 七 古蹟

望奎縣志序

粵自科舉廢學校興而歷史乃定爲專科蓋史也者其文爲先朝掌故其義則有褒貶之意存焉故爲學者而不讀史則無以感發其志氣執政者而不讀史則何者宜因何者宜革何者宜損何者宜益尤茫乎其無所適從史之爲用大矣哉縣志即國史也周禮小史掌邦之志外史掌四方之志蓋分之則爲志合之則爲史此韓宣子聘魯所以觀書於太史而知周禮盡在魯也望奎彈丸地耳其初實爲海倫之一屬鎮自民國五年秋奉檄設治越年改縣而余實承其乏焉當斯時凡所謂山川土田戶口食貨以及民情風俗漫無冊籍之可稽幸天時和人事洽得以從容爲輶軒之採稍知匡略每欲就平日見聞所及會萃成書昭示方來以差務殷繁之故不果適值中央修志令下爰聘邑紳其事擇其有學行者佐之凡故老之傳聞與夫文人學士之謳吟胥旁搜而博採之而余亦以公務餘暇相與參酌考訂越年而書成將付梓索序於余余曰史以信而傳文因事以生吾邑縣志雖失之謏陋不過開闢未久尙無特殊事跡可資掇拾其

實因事成文初無所假飾於其間余於是有感矣望邑地力厚物產豐得其道而治之則生齒之繁衍人文之蔚起風俗之醞良將駕先進縣而上之此志一成庶生其間者知某也忠孝某也節義可興起而益勵其志官斯土者知何者宜沿何者宜革將借鑒而益勤於政載籍之存貽即後人之圭臬其所關於爲政豈淺鮮哉

中華民國八年三月望奎縣知事浙杭嚴兆霖

望奎縣志序

民國六年春玉書應望奎第一高等小學校之聘膺國文教職夏四月縣署奉省令編輯望奎縣志以備採入黑龍江通志承縣長嚴公委以編輯之任聞命之下不勝駭懼自念草茅下士略識之無內不能鎔經鑄史稍窺文字之藩垣外不能游覽於名山大川以周知天下之事一知半解遂敢與於外史之例乎况望奎二十年前榛莽荒穢考之史乘罔所依據前不見古人後不見來者無以取爲借鑒之資設治僅有三載人民之集聚政治之設施不過略具規模更無記載之可言乃辭不獲已幸得黎君蔚齋魏君錫武極力贊襄邑紳劉敏齋諸君多方調查黽勉從事夫文明之進化也愈衍而愈盛茹毛進而火化火化進而珍錯巢窟進而居室居室進而樓臺蓋無以開其先者則無以善其後望奎甫經設治由此日進不已則天時人事之遷遷吏治民風之不變英雄豪傑之代生忠貞義烈之遞出當必日新月異而歲不同斯志之作也其亦茹毛巢窟之風而能使之進於火化進於珍錯進於居室進於樓臺者固大有人在也然則斯

志也或可以爲後來修志者之一助乎若是則不敢作不能作者自不得不作矣因贅數語以誌顛末

中華民國八年三月十五日義縣後學張玉書謹識

凡例

- 一望奎原係海倫轄境於歷代沿革名稱無從考證識者諒之
- 一望奎甫經設縣無舊檔可查即各局所亦俱係新設故書內所列皆現在之事於前事有不知其詳者不敢妄爲填入以昭核實
- 一本志所列入者俱經實地調查傳聞失實者概行刪除以免貽譏附會
- 一本志臚列各事外率附以臆說所以備觀感而資振厲爲望奎將來之希望文之工拙不計也識者庶原其心而略其跡
- 一外交一事爲當今之急務惟望奎向無外人僑居亦無交涉案件故付闕如
- 一本志彙爲四卷而繁簡不倫蓋有者不能減無者不能增凌亂拉雜記實而已鄙陋之譏固所難免博雅君子如指而教之不勝切盼之至

望奎縣志

監訂員嚴兆霖

編輯員張玉書

協修員黎迺文

協修員魏夢齡

協修兼校對李澤霖

地理志

望奎之名數年以前無有也本為海倫南鄉清一統志滿洲源流考俱未專載前清時所謂東拉荒者蓋指通肯克音巴拜柞樹岡各段而言並非望奎一隅也故其沿革漫無稽考現經設治建官設署規畫井然以數千年荒漠之區一旦而進於文明之域蓋由於土地膏沃人口繁殖物產富饒交通便利故發達之進步有一日千里之勢不可以偏僻之區而忽之也爰作地理志首疆域次山嶽次河川次城鎮鄉村

次氣候祠宇終系以古蹟焉

一疆域

黑龍江各縣以望奎幅幘為最狹乃農產之豐穫恒有為他縣所不及者因土厚水美無石田無斥鹵故地無曠土而收穫獨優且三面距河交通便利苟治理有方將來之興盛可計日而待也

望奎全境南濱呼蘭河河以南屬綏化縣東沿克音河河以東屬綏化縣西極通肯河河以西屬青岡縣北界

海倫縣其山鎮曰帽兒其川曰呼蘭其浸曰烏龍地勢東南高西北下為東西斜長方

形治大五井子西南至北京二千九百零六里西北至黑龍江省城五百里縣境起東經九度十二分訖四十一分

北緯四十六度三十八分訖四十七度一分東西距九十里南北距七十二里面積六

千七百四十九方里

二山嶽

望奎縣界地皆高原無大山鎮惟自海倫之布倫山即小興安嶺來脈沿克音河西岸岡

巒起伏至本境東南角克音弩敏呼蘭三河交會之處獨峰挺立由克音河航行西望如列翠屏所謂帽兒山者是也較之木蘭鐵驪各縣之山矚乎後矣

帽兒山在縣境東六十里東向俯矚克音河高二十餘丈長十餘里產柞樹前綏化蠶業公司在山下設分司藉以飼蠶嗣因秋霜早蠶多凍斃旋即停辦境內各烏龍河皆發源於此山西麓

三河川

望奎縣界東西南三面皆河也東曰克音河寬十餘丈深七八尺為克音段暨海倫東段糧食運入呼蘭河之水路由布倫山採伐之木料亦取道於此其取大木之法截去枝枒兩端新巨孔以橫木穿之數十根或數百根連為一排上設篙槳放之中流隨波而下謂之放排南曰呼蘭河其深濶三倍於克音河帆船汽船每當春夏之時往來游泳層尾相接晝夜不絕西曰通肯河其流雖細若稍事濬疏亦可通航總之望奎全境之交通蓋多資於水利焉

克音河源出布倫山之西南麓西南流經海倫東南境至本縣東界至綏化縣雙河鎮望奎縣界

與弩敏河會又西南流入於呼蘭河呼蘭河源出布倫山之南麓南流經二郎山之西青頂山馬鞍山之東合數小水南流折而西納青頂河馬鞍山呼拉庫河於北納小呼蘭河白河拉發河於南經鐵山包河土名南河由此以下可通小船又西流十餘里大依吉密河自北來注之又西南流經慶城縣界左受安邦河又西南流額伊渾河合尼爾吉河自北來注之二道河合格木克河自南來注之又西過雙河鎮南津河自南來注之又過綏化北境弩敏河克音河自北來注之西流經本縣南界過孫家船口西家船口西至通江埠為本邑水路交通之巨鎮由此以下可通小火輪西流至大成玉燒鍋村北入蘭西縣境通肯河自北來注之折而南流匯為月牙泡又南流過蘭西縣城顏家溝自西來會濠河自東來會折入東南繞呼蘭縣城東南流過呼蘭口子又南流入松花江通肯河源出布倫山之西北麓西北流經龍鎮縣東南之安古鎮十道溝九道溝八道溝自北來會西流經通北縣境七道溝六道溝五道溝自北來會扎喀河自東南來會又西南流經拜泉之三道鎮四道溝三道溝自西北來會又南流經海倫之倫河鎮二道溝

頭道溝畢拉河自西北來會海倫河四道烏龍河自東來又南經本縣西界三道烏龍河暨二道烏龍河頭道烏龍河會合由東來會南流至本縣西南角入於呼蘭河頭道烏龍河發源於帽兒山之西匯衆壑之水而成橫貫本境寬字二井信字二井敏字二井又稍西北行經惠字三井四井水師營四井廂藍旗四井正藍旗四井廂白旗四井又經坤字二段窪荒頭段窪荒及坤字前二井與二道烏龍河會合西流入於通肯河

二道烏龍河亦發源於帽兒山之西經廂黃旗二佐北井三佐北井廂白旗頭佐北井二佐北井三佐北井正白旗頭佐北井二佐北井及南井三佐南井又西南流過廂紅旗六井廂白旗五井坤字二段窪荒及坤字後二井西南流會於頭道烏龍河

三道烏龍河源出於帽兒山之西北經恭字六井寬字六井信字七井敏字七井惠字六井水師營八井西入於海倫界又西南流入本境坤字三段窪荒西入於通肯河

四城鎮鄉

望奎一城四鄉居中馭外控制允宜民風醇樸而物產豐盈苟治理得人與先進各縣足堪並峙蓋地勢形勝則高屋建瓴收效自易稽之史冊莫不皆然茲計縣城一外鎮三東鄉三十三井散田窪荒在內即以井為屯之代名詞下同西鄉二十八井南鄉三十八井北鄉二十井今歲奉直魯各省猝遇水旱災祲荒歉異常來望就食者踵相接也既庶而加以富既富而加以教則家給人足風清俗美矣

望奎縣在屬境偏西正藍旗五井廂紅旗五井之中俗名大五井之東至克音河六十里南至呼蘭河四十里西至通肯河三十里北至海倫界三十二里四圍廣平清光緒三十二年經紳民蕭士德等自立鎮基三十四年有紳民田成等因原有鎮基幅狹小不敷建設稟請海倫府知府辛展放改歸官辦以其介於頭道烏龍二道烏龍之間原名雙龍城官辦後改名望奎鎮望奎者遙望卜奎之義也中央十字大街東西大街二每寬六丈二尺南北大街二每寬五丈二尺南二三道街四每寬五丈二尺北二三道街六每寬四丈二尺小北門大街一南北胡同六皆寬四丈二尺東二門西一門

南一門北二門市場在西南三道街公園在城東北隅燒商四家當商一家鋪戶一百七十餘家民戶千餘家城壕寬二丈深一丈高五尺全城東西寬四里四繩有奇南北長二里五繩有奇西門外展放寬一百二十丈長一百二十丈方區一段共面積三十七萬方丈有奇

蓮花鎮在屬境正東寬字西井俗名蓮花井子因以名鎮焉距縣城五十里海豐鎮六十里綏化九十里海倫一百一十里清宣統二年經民人呂萬山于化龍李萬春陳亮等呈請海倫府知府王派員出放大街四道每寬四丈八尺二街四道每寬四丈胡同四道每寬二丈四尺市場在十字街警察派出所所在北大街路東徵收局在北大街路西東北隅有公地一處一千六百九十二方丈燒商二舖戶六十三民戶一百七十六圍壕寬一丈深八尺高五尺東西南北共四門全鎮爲長方形東西寬二百四十七丈九尺南北長二百一十二丈八尺共面積六萬二千六百六十方丈

海豐鎮在屬境東南恭字二井距縣城五十里綏化五十四里海倫一百四十六里民

國元年經民人劉廷俊等呈請海倫縣知事辛批准出放大街四道每寬六丈二街四道每寬四丈胡同六道每寬二丈市場在北街路東警察派出所所在南大街路東徵收分卡在南大街路西路東公地一處四百零五方丈商舖二十二家民戶八十三家圍壕寬一丈深八尺高五尺東西南北共四門全鎮爲長方形東西寬一百二十二丈南北長五百五十四丈五尺共面積六萬七千六百四十九方丈

通江埠在屬境西南鑲紅旗頭井南河套俗名黃崖子距縣城四十里綏化五十里民國元年經海倫南鄉議事會孫鳳翔等呈請出放東西街十道南北街六道市場沿河警察派出所所在街東北半里許徵收分卡在東大街路南商舖十七家民戶一百餘家該地南面呼蘭河北靠陡崖地勢蜿蜒作三角牙旗形東西最寬處五百八十丈南北最長處三百八十丈共面積九萬餘方丈

按通江埠爲望奎糧石輸出之口岸由外省販來之貨亦自哈爾濱裝船運輸於此屬境繁盛此爲一大原因也若再就天然之利而擴充之其前途之發達正未

可量也

村屯以井名者因放荒之始畫井分區界限整齊人民聚族而居直云某字某井而已無再立屯名之必要每井派井長一人管理一井之事亦猶內地之村長云

東鄉井戶數目詳表

井名	距城里數	戶數	人口數
乾字頭行頭井	八五 _里	一七五 _戶	一三六四 _口
乾字頭行二井	九〇	二五九	一九七二
乾字頭行三井	一〇〇	一四五	一二〇七
恭字四井	七五	一九五	一五四七
恭字五井	八〇	一五六	一二二四

恭字六井	九〇	一五四	一〇九八
寬字六井	五〇	三〇八	二三八一
寬字五井	七〇	一五九	一二五三
寬字六井	八〇	一六八	一三一六
信字五井	六五	一五七	一一〇八
信字六井	七五	一七五	一二九四
信字七井	八〇	一五七	一二八五
鑲黃旗頭佐南井	八〇	一五七	一一七九
鑲黃旗頭佐北井	七五	一九六	一五四八

廂黃旂二佐南井	七〇	一五五	一三一〇
廂黃旂二佐北井	六五	一八三	一四二五
廂黃旂三佐南井	六五	一九五	一五九七
廂黃旂三佐北井	六〇	一六七	一三七九
廂白旂頭佐南井	六〇	一九六	一六〇二
廂白旂頭佐北井	五五	一五五	一一七九
廂白旂二佐南井	四五	一九七	一五四三
廂白旂二佐北井	四五	一五四	一二一八
廂白旂三佐南井	四〇	一八八	一四九一

廂白旂三佐北井	四〇	一九三	一四八五
敏字五井	六〇	一七六	一三八二
敏字六井	六五	一八九	一六三一
敏字七井	七〇	一六五	一三四四
惠字五井	五〇	一九七	一五八三
惠字六井	五五	一五二	一二一五
惠字七井	六〇	一七五	一三二〇
水師營六井	四五	一九三	一五一七
水師營七井	五〇	二一八	一七九六

水師營八井 六〇 一八五 一三二四

以上望奎東鄉三十三井共五千九百一十三戶男女四萬七千一百零八口

南鄉井戶數目詳表

井名	距城里數	戶數	人口數
敏字頭井	三五	一五八	一五五六
敏字二井	三〇	一八四	一四二二
敏字三井	三〇	二四六	二五七七
敏字四井	二五	一七七	一五一四
敏字夾荒	三〇	八二	六五一

望奎縣志 卷一 十一 黑龍江財政廳印刷所印

惠字頭井	三〇	一二五	一四五九
惠字二井	二五	一七八	一六一五
惠字三井	二五	一三九	一五〇八
惠字四井	二五	一六四	一五一二
惠字夾荒	三〇	五一	四八六
水師營頭井	三五	一五七	一三一五
水師營二井	三〇	一〇〇	一二八五
水師營三井	二五	一七二	一五三四
水師營四井	二〇	一五五	一四六〇

水師營五井	二〇	一六三	一三九七
水師營夾荒	二五	三九	三三八
廂藍旂頭井	三〇	一〇四	八七九
廂藍旂二井	二五	一八三	一四二二
廂藍旂三井	二〇	一四六	一二三九
廂藍旂四井	一五	一二七	九六三
廂藍旂五井	一五	一四四	一三五六
廂藍旂夾荒	二〇	五八	四六八
恭字頭井	五五	一七一	一四七五
恭字二井	五〇	二四七	二〇一四
恭字三井	五五	一六八	一三四七
恭字夾荒	六〇	七三	五四九
信字頭井	四〇	一七二	一四三六
信字二井	三五	一八五	一四九三
信字三井	三五	一五九	一三八五
信字四井	四〇	一三四	一二〇四
信字夾荒	四五	四七	三四七
寬字頭井	四五	一六六	一三一二

寬字二井	四〇	一七八	一四三九
寬字三井	四五	一五四	一三三五
寬字夾荒	四五	一〇七	一〇〇八
前八方	六五	七三	六一四
中八方	七〇	六四	五三二
後八方	七五	七五	七一八

以上望奎南鄉三十八井共五千六百三十二戶男女四萬六千零六十四口

西鄉井戶數目詳表

井名	距城里數戶	數人口	數
----	-------	-----	---

正藍旗頭井	三〇	一二四	一〇〇七
正藍旗二井	二五	一四六	一三〇五
正藍旗三井	二〇	一五一	一二五三
正藍旗四井	一〇	一七三	一四二四
正藍旗五井	附郭	一九五	一三八六
正藍旗夾荒	一〇	七六	四二七
廂紅旗頭井	三五	二三八	一六四一
廂紅旗二井	三〇	一六二	一二一九
廂紅旗三井	二五	一四三	一二二五

鑲白旗六井	鑲白旗五井	鑲白旗四井	廂白旗三井	廂白旗二井	廂白旗頭井	廂紅旗六井	廂紅旗五井	廂紅旗四井
二〇	一五	二〇	二五	三〇	三五	一〇	附郭	一〇
一七九	一二五	一六五	一五九	一四四	一二七	一五二	二〇七	一八六
一二二二	一一二九	一二〇二	一一五五	一二三四	一〇七三	一二三六	一三五八	一二二四

沿江	十	坤字二段窪荒	坤字頭段窪荒	坤字四井	坤字三井	坤字後二井	坤字二井	坤字頭井
四五	四〇	三〇	三〇	二五	二〇	四〇	四〇	四五
一七	二八	四三	三七	一二四	一〇三	五八	七六	一一九
一五七	二〇三	三八五	二二六	八九四	九二一	三四四	四二七	九三七

前十五戶

四〇

一三二

一四三

以上西鄉二十八井共三千四百六十九戶男女二萬六千二百一十七口

北鄉井戶數目詳表

井名	距城里數	戶數	人口數
正藍旗頭佐南井	一五	一一五	九〇六
正藍旗頭佐北井	二〇	一三七	一一二四
正藍旗二佐南井	一五	一二四	一〇〇五
正藍旗二佐北井	二〇	一八六	一五〇二
正藍旗三佐南井	二〇	一四三	一二一七

正藍旗三佐北井	二五	一二七	八六三
正白旗頭佐南井	二〇	一二八	九一一
正白旗頭佐北井	二五	一二六	一一二九
正白旗二佐南井	一五	一三九	一一七七
正白旗二佐北井	二〇	一六五	一三二五
正白旗三佐南井	一五	一四二	一二一八
正白旗三佐北井	二〇	一三四	一〇三四
鑲藍旗六井	三〇	一五五	一二四一
正藍旗六井	二五	一二八	一〇〇八